

სსიპ

საქართველოს ტექნიკური უნივერსიტეტი

ბრძანება

07.04.2017 № 55

თბილისი

2017 წლის საგაზაფხულო მიღებაზე

სტუ-ს სამთო-გეოლოგიური ფაკულტეტის

ტყიბულის სამთო-ტექნოლოგიური ინსტიტუტის
პროფესიული საგანმანათლებლო პროგრამების
შემდგომ საფეხურზე ჩარიცხვის მიზნით
ტესტირების ჩატარების შესახებ

”უმაღლესი განათლების შესახებ“ საქართველოს კანონის 22-ე მუხლის, ”პროფესიული ტესტირების ჩატარების დებულების დამტკიცების თაობაზე“ საქართველოს განათლებისა და მეცნიერების მინისტრის 2013 წლის 27 სექტემბრის №152/ნ ბრძანების და საქართველოს ტექნიკური უნივერსიტეტის წესდების საფუძველზე

ვ ბ რ ძ ა ნ ე ბ :

1. განისაზღვროს 2017 სასწავლო წლის საგაზაფხულო მიღებაზე საქართველოს ტექნიკური უნივერსიტეტის (შემდგომში სტუ) სამთო-გეოლოგიური ფაკულტეტის ტყიბულის სამთო-ტექნოლოგიური ინსტიტუტის (შემდგომში სამთო-ტექნოლოგიური ინსტიტუტი) პროფესიული საგანმანათლებლო პროგრამების შემდგომ (მეოთხე) საფეხურზე ჩარიცხვის მიზნით სტუ-ს მიერ ორგანიზებული ტესტირების (შემდგომში ტესტირება) პროცედურა №1 დანართის შესაბამისად.
2. ტესტირება ჩატარდეს წერილობითი სახით, ტესტების შინაარსი განისაზღვროს წინა საფეხურზე გავლიბი მასალის მიხედვით.
3. დამტკიცდეს ტესტირების კომისიის შემადგენლობა №2 დანართის შესაბამისად;
4. განისაზღვროს ტესტირების ფარგლებში წარმოშობილი პრეტენზიების განხილვის წესი №3 დანართის შესაბამისად.
5. დამტკიცდეს ტესტირების საპრეტენზიო კომისიის შემადგენლობა №4 დანართის შესაბამისად.
6. აპლიკანტთა რეგისტრაცია, ტესტირება და მასთან დაკავშირებული სხვა პროცედურები ჩატარდეს სამთო-ტექნოლოგიურ ინსტიტუტში (მის.: ქ. ტყიბული, კარლო ლომაძის მოედანი №4).

7. ტესტირებაზე დაიშვება პირი, რომელსაც გავლილი აქვს ელექტრონული რეგისტრაცია და წარმოადგენს სტუ-ს სარეგისტრაციო ცენტრის ან რესურსცენტრის მიერ გაცემულ რეგისტრაციის დამადასტურებელ დოკუმენტს - სსიპ - განათლების მართვის საინფორმაციო სისტემის სპეციალური პროგრამიდან ამონაბეჭდს და პირადობის მოწმობას.
8. დამტკიცდეს ვადები:
 - ა) აპლიკანტების რეგისტრაცია ტესტირებაზე – 24 აპრილი, 11:00-დან 12:00 საათამდე,
 - ბ) ტესტირების ჩატარება – 24 აპრილი, 12:00 საათიდან (ტესტირების ზანგრძლივობაა 90 წუთი);
 - გ) ტესტირების შედეგების გამოცხადება – 24 აპრილი, 15:00 საათი;
 - დ) ტესტირების შედეგების გასაჩივრება – 24 აპრილი, 16:00 საათი;
 - ე) პრეტენზიების განხილვის შედეგების გამოცხადება – 25 აპრილი, 14:00 საათი.
9. ტესტირების საფუძველზე სტუ-ში ჩარიცხული პირი ვალდებულია გაიაროს აკადემიური და ადმინისტრაციული რეგისტრაცია, რისთვისაც უნდა წარმოადგინოს დოკუმენტაცია №5 დანართის შესაბამისად.
10. პირს, რომელიც არ შეასრულებს ამ ბრძანების მე-9 პუნქტის მოთხოვნებს, სამთო-გეოლოგიური ფაკულტეტის დეკანის წარდგინებით წინასწარი გაფრთხილების გარეშე შეუჩერდება პროფესიული სტუდენტის სტატუსი.
11. კონტროლი ბრძანების შესრულებაზე დაევალოს სტუ-ს სამთო-გეოლოგიური ფაკულტეტის დეკანს ა. აბშილავას.
12. ბრძანება გამოიკრას თვალსაჩინო ადგილებზე და განთავსდეს უნივერსიტეტის ვებგვერდზე.

რექტორი >  ა. ფრანგიშვილი

ვიზები:

ვიცე-რექტორი

ლ. კლიმიაშვილი

სწავლების დეპარტამენტის
უფროსი ი. ლომიძე

სამართლებრივი უზრუნველყოფის დეპარტამენტის
უფროსი გ. მარსურაძე / 1673

2017 წლის საგაზაფხულო მიღებაზე საქართველოს ტექნიკური უნივერსიტეტის სამთო-გეოლოგიური ფაკულტეტის ტყიბულის სამთო-ტექნიკური ინსტიტუტის პროფესიული საგანმანათლებლო პროგრამების შემდგომ (მეოთხე) საფეხურზე ჩარიცხვის მიზნით ჩასატარებელი ტესტირების პროცედურა

მუხლი 1. აპლიკანტის უფლებები და ვალდებულებები ტესტირებისას

1. სტუ-ს მიერ ორგანიზებული ტესტირების ჩაბარების მიზნით, აპლიკანტი ვალდებულია დროულად გამოცხადდეს სტუ-ს სამთო-გეოლოგიური ფაკულტეტის ტყიბულის სამთო-ტექნიკური ინსტიტუტში რეგისტრაციაზე და თან იქონიოს დაბადების/პირადობის მოწმობა/პასპორტი.
2. დაგვიანების შემთხვევაში აპლიკანტი არ დაიშვება გამოცდაზე.
3. ტესტირების დროს აპლიკანტს უფლება აქვს თან იქონიოს:
 - ა) წყალი;
 - ბ) პირადი ჰიგიენის საგნები;
 - გ) საჭიროების შემთხვევაში სხვა ნივთები, სტუ-ს ტესტირების კომისიის წინასწარი თანხმობით.
4. ტესტირების დროს აპლიკანტს ეკრძალება:
 - ა) მობილური ტელეფონის ან სხვა ელექტრონული აპარატურის ქონა;
 - ბ) დამხმარე მასალის – სახელმძღვანელოების, ჩანაწერების, ფურცლების და სხვათა ქონა და გამოყენება, გარდა სტუ-ს სამთო-გეოლოგიური ფაკულტეტის ტყიბულის სამთო-ტექნიკური ინსტიტუტის ტესტირების კომისიის მიერ შეთავაზებული ნივთებისა;
 - გ) გადალაპარაკება, დახმარების გაწევა ან მიღება რაიმე ფორმით, სხვა აპლიკანტისათვის რაიმე ფორმით ხელის შეშლა;
 - დ) სამუშაო ადგილის უნებართვოდ დატოვება. სამუშაო ადგილის დატოვება შესაძლებელია მხოლოდ ტესტირების კომისიის ნებართვით, თანმხლებ პირთან ერთად;
 - ე) ტესტური დავალების შესრულების დაწყება შესაბამისი მითითების გარეშე;
 - ვ) საზოგადოებრივი წესრიგის დარღვევა.

მუხლი 2. ტესტირების დროს წესის დარღვევა

1. ტესტირების დროს აპლიკანტი მიიღებს გაფრთხილებას ამ წესის პირველი მუხლის მე-4 პუნქტით გათვალისწინებული მოთხოვნების დარღვევის შემთხვევაში.

2. ამ წესის პირველი მუხლის მე-4 პუნქტით გათვალისწინებული მოთხოვნების დარღვევის განმეორების შემთხვევაში აპლიკანტი იხსნება ტესტირებიდან.

მუხლი 3. ტესტირების პროცესზე დასწრება

1. ტესტირებას უნდა ესწრებოდეს – კომისიის თავმჯდომარე, კომისიის წევრები და ტექნიკური პერსონალი (ასლების გადასაღებად). ტესტირებას შეიძლება ესწრებოდნენ განათლების სამინისტროს უფლებამოსილი დამკვირვებლები.
2. ამ მუხლის პირველი პუნქტით გათვალისწინებული პირების ტესტირებაზე ყოფნამ ხელი არ უნდა შეუშალოს ტესტირების მიმდინარეობას, მათ ეკრძალებათ ტესტირების შინაარსთან დაკავშირებით აპლიკანტის დახმარება ან მათი მუშაობისთვის ხელის შეშლა.

მუხლი 4. ტესტირების ჩატარების ფორმა

1. ტესტური დაგალების გარეკანზე უნდა მიეთითოს აპლიკანტის სახელი, გვარი, პირადი ნომერი, სპეციალობა, საფეხური და თარიღი.
2. ტესტში სწორი პასუხი უნდა შემოიხაზოს. ორი ან მეტი პასუხის შემოხაზვის შემთხვევაში პასუხი ანულირდება.
3. ტესტის შემოწმება შეიძლება მოხდეს ტესტირების პარალელურ რეჟიმში.
4. ტესტირების ხანგრძლივობაა 90 წუთი.
5. აპლიკანტს პროფესიული ტესტირება ჩაეთვლება ჩაბარებულად, თუ ის დააგროვებს 25 ქულაზე მეტს.

ტესტირების კომისიის შემადგენლობა

1. ნიაზ ჯიქია – სტუ-ს სამთო-გეოლოგიური ფაკულტეტის მენეჯერი (კომისიის თავჯდომარე);
2. ზურაბ მახარაშვილი – სტუ-ს ტყიბულის სამთო-ტექნოლოგიური ინსტიტუტის (კომისიის წევრი);
3. ზორა გიგაშვილი – სტუ-ს ტყიბულის სამთო-ტექნოლოგიური ინსტიტუტი (კომისიის წევრი);
4. მარიზ შეყილაძე – სტუ-ს ტყიბულის სამთო-ტექნოლოგიური ინსტიტუტი (კომისიის წევრი);
5. ბადრი კობახიძე – სტუ-ს ტყიბულის სამთო-ტექნოლოგიური ინსტიტუტი (კომისიის წევრი);
6. ნუგზარ ქათამაძე – სტუ-ს ტყიბულის სამთო-ტექნოლოგიური ინსტიტუტი (კომისიის წევრი).

ტესტირების ფარგლებში წარმოშობილი პრეტენზიების განხილვის წესი

მუხლი 1. საპრეტენზიო კომისია

1. ტესტირების ფარგლებში წარმოშობილი პრეტენზიები განიხილება ბრძანებით შექმნილი საპრეტენზიო კომისიის მიერ (დანართი №4).

მუხლი 2. საპრეტენზიო კომისიის რეგლამენტი

1. საპრეტენზიო კომისიის სხდომას იწვევს და უძღვება საპრეტენზიო კომისიის თავმჯდომარე.

2. საპრეტენზიო კომისია პრეტენზიებთან დაკავშირებით გადაწყვეტილებას იღებს ბრძანებით განსაზღვრულ ვადებში.

3. საპრეტენზიო კომისიის სხდომა უფლებამოსილია, თუ მას ესწრება წევრთა სრული შემადგენლობის უმრავლესობა. საპრეტენზიო კომისიის გადაწყვეტილებები მიიღება კომისიის სხდომაზე დამსწრე წევრთა ხმათა უმრავლესობით.

4. საპრეტენზიო კომისიის სხდომაზე ფორმდება სხდომის ოქმი, რომელსაც ხელმოწერით ადასტურებენ საპრეტენზიო კომისიის თავმჯდომარე და კომისიის წევრები.

მუხლი 3. ტესტირების ფარგლებში წარმოშობილი დარღვევების გასაჩივრება

1. ტესტირების ფარგლებში წარმოშობილი დარღვევის ფაქტის თაობაზე აპლიკანტი უფლებამოსილია შეიტანოს საპრეტენზიო განაცხადი სტუ-ს სამთო-გეოლოგიური ფაკულტეტის ტყუბულის სამთო-ტექნოლოგიური ინსტიტუტის საპრეტენზიო კომისიაში, შედეგების გამოცხადების შემდეგ, იმავე დღის 16:00 საათიდან.

2. პრეტენზიის წარდგენისას აპლიკანტმა თან უნდა იქონიოს დაბადების/პირადობის მოწმობა/პასპორტი.

3. დარღვევის ფაქტის თაობაზე წარდგენილი პრეტენზია შეიძლება ეხებოდეს:

ა) პრეტენზიის წარმდგენი აპლიკანტის უფლებების დარღვევას სხვა აპლიკანტების მიერ;

ბ) სხვა აპლიკანტის მიმართ ტესტირების პროცედურის დადგენილი წესის დარღვევას სხვა აპლიკანტების მიერ (აპლიკანტისათვის დახმარების აღმოჩენა და ა.შ.).

გ) სტუ-ს მიერ აპლიკანტის მიმართ ტესტირების პროცედურის დადგენილი წესის დარღვევას;

დ) ტესტირების პროცედურის სხვა დარღვევებს.

4. საპრეტენზიო კომისია პრეტენზიების განხილვას იწყებს განაცხადის შეტანის ვადის ამოწურვისთანავე და მიღებულ გადაწყვეტილებას აცნობს აპლიკანტს ბრძანებით დადგენილ ვადებში.

ტესტირების საპრეტენზიო კომისიის შემადგენლობა

1. ანზორ აბშილავა – სტუ-ს სამთო-გეოლოგიური ფაკულტეტის დეკანი (კომისიის თავმჯდომარე);
2. დარეჯან ბოჭორიშვილი – ტყიბულის სამთო-ტექნოლოგიური ინსტიტუტი პედაგოგი (კომისიის წევრი);
3. იოსებ მახარაშვილი – ტყიბულის სამთო-ტექნოლოგიური ინსტიტუტი პედაგოგი (კომისიის წევრი);
4. მარინა ქასრაშვილი – ტყიბულის სამთო-ტექნოლოგიური ინსტიტუტი (კომისიის წევრი);
5. ბადრი ნიავაძე – ტყიბულის სამთო-ტექნოლოგიური ინსტიტუტის (კომისიის წევრი);
6. ემზარ ზარნაძე – ტყიბულის სამთო-ტექნოლოგიური ინსტიტუტის (კომისიის წევრი).

დანართი № 5

სტუ-ში ჩარიცხვის მსურველთა მიერ წარმოსადგენი დოკუმენტაცია:

1. განცხადება;
2. დაბადების მოწმობა/პირადობის მოწმობა/პასპორტი და ასლი;
3. 2 ფოტოსურათი (3x4სმ) ამობეჭდილი და ელექტრონული ვერსია კომპაქტ-დისკზე (CD);
4. პროფესიული საგანმანათლებლო პროგრამის წინა საფეხურის პროფესიული დიპლომი;
5. პროფესიული საგანმანათლებლო პროგრამის პირველად (საწყის) საფეხურზე დაშვების წინაპირობით გათვალისწინებული დოკუმენტები - საბაზო ან სრული განათლების ატესტატი (ნოტარიულად დამოწმებული ასლი), თუ პირს პირველადი (საწყისი) საფეხური სტუ-ში არ გაუვლია.